


www.BibleForChildren.org


Mataio 8



Ĝaro ruarua ĝekorito murinai, Kana vanuĝana nuĝanai
veĝaraĝo verekona ta ĝeveiato. Kana vanuĝana tu
Galilea tanona nuĝanai. Mo veĝaraĝo verekona nuĝanai
tu lesu sinana maki monai. Ema lesu ma ĝena mero
ĝesi maki ĝeura-maĝirito, be mo veĝaraĝo verekona
nuĝanai ĝeraka-toĝato.



Vine nanuna o wain ekorito, benamo Iesu sinana na Iesu evaḡa-guruḡaiato, ekirato, “Ḡia tu asi ḡari vine nanuna.” Benamo sinana na vetuḡunaḡi tarimari evaḡa-guruḡarito, ekirato, “Kara bekira-varamini veḡana boḡono veia.”



Iesu na vetuḡunaḡi tarimari ekirarito,
ekirato, “Mani gwaḡutu nanu na
ḡovaḡa-vonuri!” Benamo ḡevaḡa-vonu
fokafokarito. Moḡa murinai ma ekirarito,
ekirato, “Kota ḡoḡutu-vaḡia, ḡoḡwa-iaḡoa
vereke ḡorikauna tarimana
ḡenai.”



Ĝeĝutu-vaĝito, benamo ĝeĝwa-iaĝoato, vereko
ĝorikauna tarimana na mo nanu, vine nanunai
evaĝa-iaĝoato moĝa,
eniu-tovoato. Ĝia tu asi
ribana mo vine nanuna tu
ainana eiaĝomato; a
nanu ĝesisiato merori
ĝereĝari moĝo ma ribari.



Benamo vereko ġorikauna tarimana na veġaraġo variġu
tauna ekea-iaġomaiato, benamo evaġa-guruġaiato,
ekirato, “Tarimarima mabarari
na vine nanuna namo
vedaureana tu ġetore-rosi
guineani, benamo vereko
tarimari ġeniu-maseni
murinai vau, vine
nanuna kota
namo raġina
ma ġetore-rosiani.”



“Senaḡina ḡoi na tu vine nanuna namo vedaureana
tu boḡabi-taria mo maitoma.”





Mai tu lesu ġena vetoġa boruna giniginena
evaġa-foforiato Kana vanuġanai, Galilea
tanona nuġanai. Monana ġia
marevana e seġukana
baregona evaġa-foforiato,
ema ġena mero na
ġevaġa-moġoniatu.



Iesu Petero ġena numai eraka-toġato. Monai
Petero ġena taġama vavinena ekeveto,
taġanina eseġukato, be egena-taġoto-ġoi,
Iesu na eġitaiato; . . .




. . . ġimantai eġabito, benamo ġena keve ekorito,
evaisi-raġeto, benamo ġia eġuburato.



Lavilavi, ġaro eketoto murinai, tarimarima na keve
tarimari e iauka rakavari na ġeboroġirito tarimari
lesu ġenai
ġeġori-iaġorito. Vanuġa
tarimari mabarari numa
ġoiranai ġevegogoto.



lesu na keve irauirau tarimari vovoka evaḡa-namorito
e iauka rakavari ḡutuma elai-vaḡirito. Iauka rakavari
mururi ekourito asi beḡene guruḡa, korana ḡia ribari
lesu.



Benamo tarimarima mabarari ġurato-ġoi lesu
beġene ġabi-karaia, korana tu seġuka ġia ġenana
eiaġomato-ġoi, benamo tarimarima mabarari ġeri
keve ġenamoto-ġoi.



Monai vau Iesu na Vari Namona eḡobata-vinirito,
nuḡanai tarima vasivasi (4) na tauḡanina tavi ta
emaseto tarimana ta Iesu ḡenai ḡeḡwa-iaḡoato.




Tarimarima ġutuma nai, asi ġeri
dabara lesu sevina ġana beġe raka-kavi
iaġoni. Naima ġia na lesu eruġato iatana
ġuduġuna ġeġiu-vaġiato vau, keve
rakava tarimana ma gedana
ġesi ġetuġu-riġoato
lesu ġoirana
ġana.



lesu na ġeri veġabidadama eġitaiato nai, ġia na keve
rakava tarimana
evaġa-guruġaiato,
ekirato, “Natugu,
ġemu rakava
batuġamaġi-fitoġari.”
“Akiramuni,
noruġa-vaissi, ġemu
geda noġabia, be
numa ġana noiaġo!”




lesu ġasi ai eraġeto nai, ġena mero maki ġia ġesi
ġeraġe-sebonato. Ġeiaġoto-ġoi nai,
asikauna iavara asikei kou ai
eraġasito, benamo ureure tu
ġasi nuġanai
ġevebubu-ġurato.
A lesu tu egenato-ġoi.



Iesu na evaḡa-veserito, ekirato, “Karase nai ḡogarini?
Veḡabidadama kei rakava tarimami!” Benamo Iesu
evariḡisito, iavara ma ureurena ḡesi ekira-ḡoirito,
benamo ḡedokoto, ḡemeḡomeḡo-tarito.

Tarimarima mabarari
ḡeḡaba-rakavato, ḡekirato,
“Mai tu kamara
tarima se? Iavara e
ureure na maki garona
ḡeseḡaḡiani!”



Korana Barau na tanobara
euravini-baregoato nai, Natuna
ḡora ḡereḡa evinirato, be ḡia beḡe
ḡabidadama-viniani tarimari mabarari
tu asi beḡe maseni, a maḡuri
vanaḡivanaḡi beḡe
ḡabiani.



Roma 3:23

Korana tarimarima mabarara tu rakava tarimara moġo, be mabarara Barau marevana namona ġenana taveġitato.

Roma 6:23

Korana rakava voina tu mase, a Barau ġena varevare ġera Vereġauka Keriso Iesu ġenana bita ġabiani dagarana tu maġuri vanaġivanaġi.

Heberu 9:27

Evetoreto, tarimarima mabarari tu vaġa-sebona moġo beġe maseni, ma murinai tu Barau na bevaġa-kotarini.



Efeso 2:8,9

Ġomi tu ġemi veġabidadama ġenana Barau na ġena namo e varevare-barai evaġa-maġurimito. Ġomi tu dia tauġemi ġemi kokore na ġovevaġa-maġurito. Asiġina, mai tu Barau ġena varevare ġita evinirato. E dia ġomi ġemi ġauvei dairi ai voimi ġoġabiato dagarana, be moġa veiavina tarima ta asi bene vei.

Roma 10:9,10

Mo tu bema murumu na boguruġa-foforini, bokirani, “Iesu tu Vereġauka,” botoni, ma lorumu ġutuna bovaġa-moġoniani, ġia tu Barau na mase na ma evaġa-variġisi ġenoġoiato nai, Barau na bevaġa-maġurimuni. Korana loruna ġutuna na evaġa-moġoniani tarimana tu, Barau ġoiranai vei-iobukaiobuka tarimanai eiaġoni; ema muruna na eguruġa-iaġi foforini tu, maġuri edoġariani.



Ioane 3:16,17

Korana Barau na tanobara euravini-baregoato nai, Natuna ġora ġereġa evinirato, be ġia beġe ġabidadama-viniani tarimari mabarari tu asi beġe maseni, a maġuri vanaġivanaġi beġe ġabiani. Korana Barau na Natuna etuġu-mariġoato tanobara ġana tu, dia tanobara bene vaġa-kotaia ġana, senaġi tanobara ġia bakunai bene maġuri ġana.

1 Ioane 5:11-13

Guruġa moġonina tu maiġa: Barau na maġuri vanaġivanaġi varau evinirato, ema mo maġuri vanaġivanaġi tu ġia Natuna nuġanai. Barau Natuna eġabi-raġeato tarimana na maġuri eġabiato. A Barau Natuna asi eġabi-raġeato tarimana na maġuri asi eġabiato. Maiġeri guruġa tu ġomi, Barau Natuna arana ġovaġa-moġoniani tarimami, atore-vinimini, korana tu boġono riba, ġomi tu varau maġuri vanaġivanaġi ġoġabiato.



Mataio 8-9; Mareko 1-2, 4; Luka 4, 8; Ioane 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Sinaugoro NT (snc) © 1995, Wycliffe Bible
Translators, Inc. All rights reserved.

<https://www.bible.com/bible/1346/MAT.1.SNCNT>

©2026 Bible for Children, Inc.

www.M1914.org

www.bibleforchildren.org

